

Mál nr. 39/2009

M

og

Vátryggingafélagið X v/ábyrgðartryggingar atvinnureksturs

Vinnuslys við fall úr álstiga þann 27.02. 2007.

Gögn.

- 1) Málskot móttakið 26.01. 2009, ásamt fylgiskjöllum.
- 2) Bréf vátryggingafélagsins til nefndarinnar, dags. 11.02. 2009.

Málsatvik.

Fyrirliggjandi gögn upplýsa um aðdraganda máls þessa og afstöðu aðila.

M vann við að merkja tilbúna veggeiningu og að hreinsa frá rafmagnsröri. Skyndilega hafi stigi sem hann stóð í runnið undan honum og hann fallið og slasast sbr. fyrirliggjandi gögn. M reisti stigann sjálfur upp við eininguna.

M telur greiðsluskyldu fyrir hendi sbr. umfjöllun hans í málskotinu. Hann telur að rekja megi slysið til vanbúnaðar á vinnustað og skorts á verkstjórn.

Vátryggingafélagið hafnar greiðsluskyldu. Það vísar m.a. til þess að Vinnueftirlitið hafi ekki gert athugasemd við stigann eða að hann hafi ekki hentað til verksins. Félagið telur ósannað að slysið megi rekja til vanbúnaðar á vinnustaðnum sem vátryggingartaki (B) beri ábyrgð á.

Álit.

Þegar tekið er mið af fyrirliggjandi gögnum hefur ekki verið sýnt fram á greiðsluskyldu þeirrar vátryggingar sem hér um ræðir. Ekki verður séð að slysið megi rekja til vanbúnaðar eða vanrækslu sem vátryggingartaki ber skaðabótaábyrgð á.

Niðurstaða.

Greiðsluskylda er ekki fyrir hendi samkvæmt þeirri vátryggingu sem hér um ræðir.

Reykjavík 24. febrúar 2009

Rúnar Guðmundsson hdl.

Dögg Pálsdóttir hrl.

Jón Magnússon hrl.